

13.04.2023.



13.04.2023.

Danas je ministar za privredu BPK Goražde gosp. Zijad Briga sa saradnikom gosp. Emirom Hodovićom bio u radnoj posjeti Udruženju poslodavaca BPK Goražde.

Predstavnici Udruženja poslodavaca BPK Goražde su upoznali ministra sa aktivnostima koje su do sada implementirali, te o budućim planovima.

Posebno su istakli nekoliko važnih projekata, kao što su izrada registra propisa na svim nivoima, edukacije poslodavaca, izrada publikacija o privrednim subjektima i mnoge druge aktivnosti.

Istakli su potrebu da se mora konkretno krenuti sa izmjenom nekih zakonskih propisa na nivou BPK Goražde, koji za cilj imaju rasterećenje privrede. Pomenuto je konkretno da Udruženje poslodavaca inicira izmjenu zakona o šumama BPK Goražde, zakona o porezu na imovinu, naslijeđe i poklon, kojima bi se ukinuo parafiskalni namet „općekorisne funkcije šuma“, te neki obaveznici poreza na imovinu.

Razgovarano je o problematici radne snage sa kojom se suočavaju poslodavci, te je u tom pogledu zaključeno da se održi jedan širi sastanak sa predstavnicima političkih partija koji participiraju u zakonodavnoj vlasti BPK Goražde, da se pokušaju donijeti konkretne mjere i zaduženja za prevazilaženje ovakve situacije.

Predstavnici ministarstva za privredu BPK Goražde iznijeli su prijedloge za podsticaj privredi u ovoj godini u iznosu od 240.000,00 KM, te da će iste dostaviti Udruženju poslodavaca kako bi dalo svoje primjedbe i sugestije kako bi se došlo do najboljeg rješenja.

Dogovoreno je da se u budućem periodu nastoji još više poboljšati saradnja između Udruženja poslodavaca BPK Goražde i ministarstva za privredu BPK Goražde.

